

乾隆乙巳歲鐫

三
水
縣
志

本衙藏板

三水縣志序

兵部侍郎兼都察院右副都御史巡撫陝西西安等處地方贊理軍務兼理糧餉 欽差提督學政 撰
志之體例出于括地志元和郡縣志太平寰宇記長安志外此
宋元人著作地里亦可觀也世稱武功志及朝邑志然朝邑大
縣嫌其篇幅太窘武功志以蘇若蘭文爲首卷亦非方志之體
縣志之善必求諸唐宋人乎三水縣稍僻羌無故實舊志疏畧
尤甚知縣葛君到官以來政平民和百廢具舉因言其地縉紳
耆老好尚文雅念

聖朝厚澤深仁重熙累洽自一縣官師制度法良意美及孝悌
節烈掇科中策之士蒸蒸焉月異而日新不可無紀載以表當
時而示來世適有陽湖孫明經所學該博負一時盛望因屬撰
成之予覽其文實能考書傳之故事刪舊文之猥冗其以藝文

三水縣志序

分隸各部及刺取書傳必載所出皆宋元人方志之法異乎流
俗之爲之也藝文則載其有關政事者餘概從削又獲于予心
故爲序而行之志凡十卷十四部縣譜一故城二國城鄉鎮亭
堡砦三山屬四水屬五城署關橋坊古址六壇廟寺觀墓七職
官八地丁錢糧九兵防十名人十一列女十二科貢十三封贈
壽民附圖序十四孫君著述之簡而有法如此恐有議其漏者予爲
道其體例云

新修三水縣志序

王阮亭云近世志書能文簡事覈訓詞爾雅無如康對山之武
功志其他若呂涇野志高陵等十餘種猶有黃圖決錄之遺焉
而時人又謂史志務在簡核方志務在詳核一事不舉將有挂
漏之弊其說若兩岐而余謂志猶史也史固隨時而變例志亦

因地以制宜若宋子京之修唐書事增於前辭省於舊識者嘗
之余謁選初得整厓奉檄供儲時調署武功嗣以鐫級循例復
職

奏留歲事軍需代篆永壽尋補沔縣赴

闕得蒙

恩允旋於太華道中適奉內諱茲復重來歷署安定高陵及承
乏三水所至之邑往往稽其形勢典章察其民生土俗流覽往
志之文辭究無逾於武功高陵之右者洵乎前賢之論不誣矣
三水古豳也又以汎水得名按說文引爾雅曰西爲汎國謂四
極汎西極之水也邑誠僻壤矣然而公劉郇伯之所安集鄧禹
馮異之所規圖卽產斯土者第五倫第五琦文彥博之流風遺
韻猶存也志修于康熙丁巳舉行者邑令瀛海林公逢泰編纂
者邑人司李文君倬天頗斐然可觀迄今逾百載矣我
朝重熙累洽已徵比戶可封

皇上教養涵濡北庭以北西濛以西咸隸版圖澤洋恩溥羣生
靡不得所况近在關輔者乎近奉大中丞畢公檄重修此志凡
城池衙署書院廟宇橋梁之繕葺剏建地糧之減戶口之增驛
站課程之裁解鹽茶法更定職官科目德行菽文之宜續補者
進邑之紳士考訂而增益之曩時之闕如者燦然大備其于考
古似較康呂兩公精核焉蓋遵史傳之法不失簡核之規他日
者得周漢唐宋之人材以仰承

聖天子久道化成之治并叨芘開府公升猷永世之休爲茲邑
增輝且將以是志就正博雅君子也乾隆五十年歲次乙巳正
月上元日山右葛德新書

三水縣志目錄

卷一

縣譜一

故城二

鄉鎮亭堡砦三

卷二

山屬四

水屬五

卷三

城署關橋坊古陞六

卷四

壇廟寺觀墓七

三水縣志目錄

三

卷五

職官八

卷六

地丁錢糧九

卷七

兵防十

卷八

名人十一

卷九

列女十二

卷十

科貢十三

卷十一

圖序十四

三水縣志目錄

三水縣志卷一

知縣朱廷模主修

陽湖孫星衍撰



縣譜一

三水縣後魏置二漢曰栒邑屬右扶風疑亦高平爰得二縣地
証見故城章魏晉以來不著栒邑當卽汾邑後魏置三水縣取漢縣

名屬新平郡西魏置恆州尋廢隋屬北地郡開皇三年郡廢以
縣屬豳州唐因之爲緊縣天寶元年改州爲郡屬新平郡宋屬
邠州爲上縣金同元至元七年省縣入淳化明成化十三年九
月復析淳化置三水屬邠州爲僻簡下縣

國朝因之爲簡縣屬直隸邠州今考史傳所紀具于左又漢有
三水縣其治在今甘肅涇州非此也魏收李吉甫樂史俱以爲
卽後魏三水者誤今亦具于左而加證焉

三水縣志卷一

班固地理志右扶風縣有栒邑

李善注文選引此云右扶風捕縣拘與邠同又作捕

又安定郡縣有三水屬國都尉治莽曰廣延亭

元和郡縣志三水縣本漢舊縣以縣界有羅川谷三泉並流故
以爲名

太平寰宇記云云同

星衍按漢三水縣治在今甘肅涇州是唐宋良原縣故元和郡
縣志云良原縣本漢三水縣地屬安定郡今安定縣界三水故
城是也今三水縣實漢栒邑縣自後魏取漢三水縣名移治于
此耳魏收李吉甫樂史卽以爲漢縣非

又按舊志云漢景帝二年循郇侯之封置郇邑又云永光元年
改置三水縣不知所出

右漢

司馬彪郡國志右扶風城有枸邑

又安定郡城有三水

魏收地形志三水二漢屬安定

星衍按魏時三水移治實漢枸邑而收所云當以循漢舊名故耳

右後漢

元和郡縣志魏改三水縣爲西川縣亦屬安定

太平寰宇記云云同

星衍按此亦漢三水改名西川與漢枸邑之是今三水者無與以李吉甫樂史載在三水下今亦採焉枸邑縣自魏以來書傳不著晉書地理志新平郡有汾邑疑卽枸改名也

右魏

三水縣志卷一

二

晉書地理志新平郡有汾邑

魏收地形志三水晉罷

星衍按太平寰宇記云邠邑原上有枸邑故城則卽晉汾邑也

右晉

魏收地形志新平郡領縣有三水云二漢屬安定晉罷後復屬元和郡縣志後魏今縣理西二十八里重置三水縣取漢舊名屬新平

太平寰宇記後魏初于今縣西二十八里置三水縣復漢舊名屬新平郡

又大統十四年移縣于今邠州東三里新平故郡白馬堡

星衍按魏收亦以魏三水爲卽漢縣亦誤李吉甫樂史言是

右魏

隋書地理志三水 西魏置恆州尋廢

右西魏

隋書地理志北地郡統縣有三水

元和郡縣志隋開皇三年以縣屬幽州

太平寰宇記隋開皇三年移理于幽州西北十五里城大業元年自故郡城移于今理

又北地郡義寧元年領三水二年以三水屬新平郡

右隋

劉昫唐書地理志邠州領縣有三水隋縣

元和郡縣志邠州管縣有三水緊

新唐書地理志邠州縣有三水緊

元和郡縣志開皇三年以縣屬幽州皇朝因之

三水縣志卷一

三

太平寰宇記唐武德元年以新平郡爲幽州三水縣屬焉

又元和二年移縣於隴堡下舊城初大歷中吐蕃焚縣城又移堡上人民不便爲幽帥郭釗所請復移下之

右唐

太平寰宇記邠州元領縣有三水縣

文獻通考邠州三水後魏縣

宋史地理志邠州縣有三水上

右宋

金史地理志邠州縣有三水

右金

元史地理志淳化云至元七年省三水入本縣

王圻續文獻通考淳化云元至元中併三水入縣

右元

續文獻通考邠州三水本淳化縣地本朝成化四字今本刊十誤作宋淳化四年析置

明史地理志邠州三水云州東北成化十三年九月析淳化縣置

明圖經三水裁僻簡下此圖今見影寫本刊本不存

右明

故城二

三水縣自漢以來凡五移治皆見地理書有故城漢柁邑其漢三水城則在甘肅涇州西南舊志以為盧芳所居是誤以漢三水為在此也邠州志云三水有高平里有原得里高平爰得是漢縣名屬安定與今里名同疑即漢二縣故城所在魏收地形

三水縣志卷一

四

志云高平有石門山此山在三水境亦可証知高平當在境內也但後漢書注云漢高平即今原州則當在今甘肅固原州界恐是後魏時移漢縣于此耳爰得縣樂史又載在新平而與三水接界既有原得里原爰音相近其故城為在縣境無疑也此二縣故城者今時地理家俱不及著今具于左

章懷太子賢後漢書注柁邑故城在今豳州三水縣北柁音旬元和郡縣志三水縣柁邑故城在縣東二十五里即漢柁邑縣屬右扶風古郇國也

太平寰宇記今縣東北二十五里邠邑原上有柁邑故城即漢理縣

宋敏求引三輔黃圖云郇邑城在縣治東二十五里

星衍按今三水城又在唐宋治西可五里則古柁邑城當在今

縣東三十里

右漢桐邑治

元和郡縣志後魏于今縣理西二十八里重置三水縣
太平寰宇記云云同

星衍按當在今縣西二十三里

右魏治

太平寰宇記三水縣大統十四年移縣于今邠州東三里新平
故郡白馬堡

星衍按當在今邠州

右大統移治

太平寰宇記三水縣隋開皇三年移理於邠州西北十五里城
右隋治

太平寰宇記三水縣大統業元年自故郡城移於今理

元和郡縣志三水縣西南至州六十里

太平寰宇記邠州三水縣東北六十里

明邠州志舊三水城在縣東五里東西八里南北三里遺址門
落臺基俱存

舊縣志三水舊城東西六里南北半之遺址尙存

右大業移治及唐宋治

太平寰宇記元和十二年移縣於隴堡下舊城初大歷初吐蕃
焚縣城又移堡上人民不便爲邠帥郭釗所請復移下之

舊縣志職田鎮在縣東北三十里唐時以爲縣至憲宗復移舊
治

唐鄭谷春過郇邑詩云百里花封俗化淳名蹤盛跡半猶存

谷評白虎藏巖洞地湧金泉過石門舊縣城頽三水鎮故家
樹老五林邨碑殘墮落夫人冢苔蘚年年長淚痕又云一脈
清流何所之縈莎漱蘚入僧池雲邊野客尋來處石上寒猿
日落時聚沫遶槎殘雪在迸流穿樹墜花隨烟春雨晚閒吟
後不復重遊黃鳥坻

右元和大歷移治

地理志安定郡縣有高平莽曰鋪陸

地形志新平郡領縣有高平二漢屬安定晉罷後復屬

明邠州志三水有高平里

星衍案漢高平治當在今甘肅固原州故章懷太子賢注後漢
書云卽今原州也今三水有高平里者恐是北魏時移治于此
以地形志云高平有石門山知之

右漢高平治

地理志安定郡縣有爰得

地形志新平郡領縣有爰得前漢屬安定後漢晉罷後復屬

太平寰宇記新平縣有爰得城漢書地理志云爰得縣屬安定
郡後漢省卽此城也

明邠州志三水有原得里

星衍按原爰字音同當卽漢及後魏治

右漢爰得治

國城鄉鎮亭堡砦三

幽國之在柁邑見班固地理志而許叔重說文反以爲在美陽
則所紀乃太王之遷居也魏王泰又以爲在新平則以接壤而
誤也柁邑之名不知所始應劭以爲周邠國臣瓚据竹書以辨

其非師古稱其善甚是而李吉甫樂史猶承應說之謬何也至
劉昭所稱劉邑魏收所稱隋意城等皆當在此縣而無可考或
以接壤入他縣界中或是俗失其名俱所不詳今以書傳加証
于左

毛詩國風豳七月章七月流火九月授衣一之日觴發二之日
栗烈無衣無褐何以卒歲二之日于耜四之日舉趾同我婦子
饁彼南畝田峻至喜七月流火九月授衣春日載陽有鳴倉庚
女執懿筐遵彼微行爰求柔桑春日遲遲采繁祁祁女心傷悲
殆及公子同歸七月流火八月萑葦蠶月條桑取彼斧斨以伐
遠揚猗彼女桑七月鳴鵙八月載績載元載黃我朱孔陽爲公
子裳四月秀葍五月鳴蜩八月其穫十月隕穫一之日于貉取
彼狐狸爲公子裘二之日其同載纘武功言私其縱獻豸于公

三水縣志卷一

七

五月斯螽動股六月莎鷄振羽七月在野八月在宇九月在戶
十月蟋蟀入我牀下穹窒熏鼠塞向瑾戶嗟我婦子曰爲改歲
入此室處六月食鬱及薁七月亨葵及菽八月剥棗十月穫稻
爲此春酒以介眉壽七月食瓜八月斷壺九月菽苴采荼薪樗
食我農夫九月築場圃十月納禾稼黍稷重穆禾麻菽麥嗟我
農夫我稼既同上入執宮功晝爾于茅宵爾索綯亟其乘屋其
始播百穀二之日鑿冰冲冲三之日納于凌陰四之日其蚤獻
羔祭韭九月肅霜十月滌場朋酒斯饗日殺羔羊躋彼公堂稱
彼兕觥萬壽無疆鄭元豳譜豳者后稷之曾孫也公劉者自邠
而徙戎狄之地名今屬右扶風栒邑公
劉以夏后太康時失其官守竄於此地猶修后稷之業勤恤愛
民民咸歸之而國成焉其封域在禹貢雍州岐山之北原隰之
野至商之末世太王又避戎狄之難而入處於岐陽民又歸之
公劉之出太王之入雖有其難由有難之故皆能守后稷之
教不失其德成王之時周公避流言之難出居東都二年思公
劉太王居豳之職憂念民事至苦之功以此序已志後成王迎

之反之攝政致太平其出入也一德不同純似於公劉太公之所爲太師大述其志王意於幽公之事故別其詩以爲幽國變焉風

毛詩大雅公劉章篤公劉匪居匪康廼場廼疆廼積廼倉廼裹
餼糧于彙于囊思輯用光弓矢斯張干戈戚揚爰方啟行篤公
劉于胥斯原旣庶旣繁旣順廼宣而無永嘆陟則在嶽復降在
原何以丹之維玉及瑤鞞鞞容刀篤公劉逝彼百泉瞻彼溥原
廼陟南岡乃覲于京京師之野于時處處于時廬旅于時言言
于時語語篤公劉于京斯依蹒蹒濟濟俾筵俾几旣登乃依乃
造其曹執豕于牢酌之用匏食之飲之君之宗之篤公劉旣溥
旣長旣景乃岡相其陰陽觀其流泉其軍三單度其隰原徹田
爲糧度其夕陽幽居允荒篤公劉于幽斯館涉渭爲亂取厲取
鍛止基廼理爰衆爰有夾其皇澗遡其過澗止旅乃密芮鞠之

卽

孟子昔者太王居邠狄人侵之事之以皮幣不得免焉事之以
犬馬不得免焉事之以珠玉不得免焉乃屬其耆老而告之曰
狄人之所欲者吾土地也吾聞之也君子不以其所以養人者
害人二三子何患乎無君我將去之去邠踰梁山邑于岐山之
下居焉邠人曰仁人也不可失也從之者如歸市

孔叢子子思曰狄人攻太王太王召耆老而問焉曰狄人何來
耆老曰欲得菽粟財貨太王曰與之與之至無而狄人不止太
王又問耆老曰狄人何欲耆老曰欲得土地太王曰與之耆老
曰君不爲社稷乎太王曰社稷所以爲民也不可以所爲民者
亾民也耆老曰君縱不爲社稷不爲宗廟乎太王曰宗廟者私
也不可以吾私害民遂杖策而去過梁山止乎岐下幽民之東

東修奔而從之者三千乘一止而成三千乘之邑

史記周本紀公劉卒子慶節立國於豳索隱曰豳即邠也古今字異耳○正義曰括地

志云豳州新平縣即漢漆縣慶節卒子皇僕立皇僕卒子差弗

立差弗卒子毀隄立音踰世本作隄○索毀隄卒子公非立

日世本云公非辟方皇公非卒子高圉立宗忠曰高圉能率社

甫謚云公非字辟方也○索隱曰世本高圉卒子亞圉立都亞圉字○索隱曰漢書古今

表曰雲都亞圉弟按如此說則亞圉平子公叔祖類立索隱

方侯倂亦皆二人之名實未能詳亞圉平子公叔祖類立曰世

本云太公組紺諸蓋三代世表稱叔類凡四名皇公叔祖類卒

甫謚云公祖一名組紺諸蓋字叔類號曰太公也公叔祖類卒

子古公亶父立古公亶父復修后稷公劉之業積仁行義國人

皆戴之薰育戎狄攻之欲得財物予之已復攻欲得地與民民

皆怒欲戰古公曰有民立君將以利之今戎狄所為攻戰以吾

地與民民之在我與其在彼何異欲以我故戰殺人父子而君

之予不忍為乃與私屬遂去豳渡漆沮徐廣曰水在杜陽岐山

杜陽縣在扶風踰梁山止於岐下正義曰括地志云梁山在雍

岐山在扶風美陽豳人舉國扶老攜弱盡復歸古公於岐下

班彪北征賦息邠邠之舊鄉慕公劉之遺德

地理志豳州新平縣即漢漆縣詩豳國公劉所都

括地志豳州新平縣即漢漆縣詩豳國公劉所邑之地也

元和郡縣志三水縣古豳城在縣西三十里公劉始都之處

太平寰宇記三水縣古邠城在縣西南三十里有古邠城在龐

川水西蓋古公劉之邑即此城也國都城記邠國者后稷之曾

孫曰公劉始都焉邠國名也與故豳邑城相去約五十餘里漢

縣舊志古公鄉在縣南三十里上連土橋南卽公劉墓

星衍按許君說文云邠周太王國在右扶風美陽從邑分聲幽美陽亭卽幽也民俗以夜市有幽山漢美陽今武功縣蓋許君所言太王止岐下之邠國也班固所言公劉始都之幽國也又說文云幽亭民俗夜市亦在美陽劉昭注郡國志所引新論則云邠在漆縣其民有會日以相與夜中市如不爲則有灾咎則幽亭夜市又在邠州豈太王遷國其俗亦遷故邪

又按魏王泰言幽國在新平縣李吉甫言在三水亦俱不同

右幽國

地理志柤邑應邵曰左氏傳曰畢原酆郇文之昭也郇侯賈伯伐晉是也臣瓚曰汲郡古文晉武公滅荀以賜大夫原氏黯是爲荀叔又云文公城荀然則荀當在晉之境內不得在扶風界

三水縣志卷一

十

也今河東有荀城古荀國師古曰瓚說是也此柤讀與荀同自別邑耳非伐晉者

元和郡縣志三水縣柤邑故城在縣東二十里古郇國也左傳云畢原酆郇文之昭也

太平寰宇記三水縣郇邑故城在縣東二十五里卽漢柤邑屬右扶風有邠鄉應劭注云左氏傳畢原酆郇文之昭也荀侯賈伯伐晉是也漢爲縣

史記高祖功臣侯表國名有恂侯功云以燕將軍漢王四年從曹咎軍爲燕相告燕王荼反侯以燕相國定盧奴千九百戶高祖八年十月丙辰頃侯濫疥元年

漢書表作擣

按此是擣字之譌

史記索隱恂縣屬右扶風音荀故周文王封其子之邑

星衍按說文郇周武王子所封國在晉地又杜預注春秋左氏師退軍于郇云解縣西北有郇城則瓚說是也周郇國實不在此李吉甫司馬貞皆承應劭之誤若漢恂侯國實在此

右郇國

劉昭注郡國志柁邑又有劉邑

星衍按此未詳所在

右劉邑

括地志三水縣西十里有幽原幽城在原上見玉海詩地理攷

右幽城

地形志三水有隨意城

星衍按此未詳

右隨意城

地形志爰得有邑城東魏城

星衍按爰得卽今原得里則二城或在境內

右邑城東魏城

縣舊志八王城在唐川中流間後秦姚泓等故隍也舊址猶存

右八王城

鄉鎮亭堡砦三

地理志右扶風柁邑有幽鄉

太平寰宇記三水縣舊十三鄉今十二鄉

明邠州志三水縣有三水里蒲邠里北宮里南宮里職田里大義里焦邠里金泉里爰得里豐泉里義豐里高平里有南頭邠西頭邠黃祿邠百子邠彭城邠係原得里地方有趙莊百堽頭係北宮里地方有店頭邠高平邠係高平里地方有魏落邠郭

邨保安邨係南宮里地方

右鄉

金史地理志三水鎮一清泉

明邠州志三水縣有土橋鎮張空鎮職田鎮大羽鎮底廟鎮縣舊志職田鎮在縣東北三十里唐時以爲縣至憲宗復移舊治今城三里相傳爲尉遲敬德務農處廟址存焉張洪鎮在縣西三十里城週二里三分土橋鎮在縣西南四十里當古公原之衝底廟鎮在縣北五十里城週二里二分太羽鎮在縣北二十里城週二里三分舊無鎮今無集市

右鎮

縣舊志幽亭在縣東北五十里

又廣延亭新莽更三水縣爲此

星衍按廣延亭是漢三水改名其地在今甘肅涇州舊志誤載于此幽亭亦不著書傳

右幽亭廣延亭之誤

明邠州志三水縣有雙槐堡在縣西五十步四壁懸崖上二層共有平地二頃餘昔張思道李思齊據此門蓋尚存防秋修築避患極爲要地

縣舊志雙槐堡在縣西五十步四壁懸崖碧流東繞下有古槐一根二幹故名上有平地二頃官舍民屋卜居焉前高知縣創始今林知縣重修又云明季辛巳流寇猖獗知縣高知僉謀申請築城豎橋分立縣治倉庫於其上

國朝順治七年知縣王儒復申請葺脩歷年倉貯因之康熙乙卯丙辰間知縣林同堡衆修城垣橋道衙宇倉房題其堂曰井

勸縣人文倬天手題其亭曰菱柳憑高阻深與縣城相犄角調度守禦誠一邑保障也

林逢泰菱柳亭詩序甲寅乙卯閒遭亂余城守戒嚴有云西堡爲昔避患處官署倉庫在焉盍圖諸余毅然非之繼逆氛猖獗及於難人皆咎余守經而不知權余無以解乃嘆昔人剗造良有深意且憑高臨險爲城保障因捐資鳩工仍舊址而鼎新之乙卯秋築石橋曰縣橋蓋周之初生始於幽所謂縣縣瓜瓞者丙辰夏葺其堂曰井勸按井爲幽分野而易云君子以勞民勸相竊有志焉復顏之曰鴻冥鶴和蓋一時未能高飛遠舉不得不冥冥以避弋篡而君子居其室出其言善則千里之外應之出身加民乃鶴和之義以自警也堂後築一亭取材於一柳而成文倬明先生手題曰菱柳昔陶令倬棠固幽人忠厚遺風余益慙然矣

門前種柳余今以柳爲亭斯亦倬陶之意而倬明乃欲以柳舊志隴川堡在半川之後四面壁立溪澗環之隋大業閒於立縣堡北臨河傳爲四仙驛遺跡存焉

右堡

縣舊志兩女砦去縣七十里地勢高聳南望平行麓有兩冢存焉舊傳秦扶蘇二女卜葬於此

右砦